

Ixf n tawwukt d win iyirdem

Max ur ili iyirdem ixf?

Ar ittini yan umiy amaziɣ is d lliy ar yaṭṭu ugellid imeqquren ixfawen, igg^wra n iyirdem, ur iddi zikk ad d yawi ixf nes. Ʋ ubrid n tewada nes, inmaggar tawwukt, inna yas: “Is sul ɣaman ixfawen?”, trar as d: “Yan ixf zund winu ad sul iɣaman!” Yaḍu d nit, ur sul iḍfer aɣaras ad d yawi ixf nes, inna yas: “Iɣ iyi d iqqan ixf igan zund winem, yuf war ixf!”; iqqim ilemma iyirdem d war ixf. Yan innan tawwukt, ar d ik^wetti ixertuffa d iqwiren¹ d imerdulen, ar as d ittik^wcaḍ² ixf nes tillas, ixf n tawwukt ilemma iga dari tamatart n uswingem illasen, aswingem ittawin s urwass! Ini nit tamettant³ n uswingem, d ubukḍ n tayṭti d ukettur n malexf d unelli s gar iswingimen!

Iɣ d iqqan ad isti yan ger ad yili ixf n tawwukt (aswingem n tillas) d ad ak^w ur ili ixf, yuf ad ig war ixf!

¹ Kra n mani irdelen, iḍer, ur sul bedden iy^werban.

² Ar iskar lḥal.

³ Lmut.